

Essida in is celus de Biddesatu de unu gutùrgiu de is angionis



S'anturzu, una de is genias animales prus raras in Sardigna, at fatu su torrada sua in is chelos de s'ìsula a pustis de diveris deghennios de ausèntzia. Difatis, unu giòvanu esemplare de gurturju anturzu, chi appartenet a sa popolazione de su nord-

otzidentale de s'ìsula, est istadu su protagonista de una essida intre is domos de Biddesatu.

Segundu s'Agèntzia Regionale Forestas, custa etzetzionale escursione de su giòvanu anturzu est acabada calicuna die a oe a presu de Biddarega e Nuràminis, a probe de s'istatale 131. Inoghe est istadu recuperadu dae is agentes de su Corpus Forestale e posca afidadu a su Tzentru de recùperu de sa fàuna agreste (CARFS) de s'Agèntzia Forestas, in Muristeni. A su presente, s'animale est suta osservatzione veterinària in su tzentru de recùperu.

Su cumportamentu de esploratzione, tìpicu de is giòvanos anturzos, los ispinghet a s'ispissu a printziare bolos assolados. Nointames, a càusa de s'inesperientzia, custos bolos los podent pònneru in difficultade, esponende-los in perìgulu. Difatis si podent pèrdere o mòrrere de fàmene.

Custu giòvanu anturzu, naschidu ocannu, no est su primu a s'ispìnghere in custa zona, ca is GPS impreados pro compidare is anturzos interessados in su protzessu de ripopolamentu ant registradu una crèschida de is essidas in s'ala meridionale de s'ìsula. Nointames, custa borta sa presèntzia sua est istada annodiada deretu e documentada ca est intradu in sa bidida.

Su progetu "Life Safe for the Vultures," chi biet sa partetzipatzione de Forestas e vàrios colleboradores istituzionales, punnat a estèndere is resurtados otentos cun su pretzedente progetu "Under Grifon Wings" in su Nord Ovest de sa Sardigna, a su restu de s'ìsula. S'obietivu est su de garantire sa supravivèntzia pro meda tempus de s'anturzu in totu sa regione e de nde favorire sa torrada in is àreas in ue est ausente dae medas annos.

Pro custu est istada creada un'istatzione de alimentatzione pro is pugiones necròfagos in su cantiere forestale de Biddedatu, una voliera de ambientamentu dae ue in tres annos ant a essire unos chimbanta esemplares bènnidos dae s'ìspagna, un'osservatòriu, e un'àrea pro ispuntinare pro osservare is anturzos. A su presente, sa volera acasàgiat 12 anturzos bènnidos dae s'ìspagna.